



DISPOSICIÓN DERRADEIRAS

XI. DISPOSICIÓNS DERRADEIRAS

Disposición Derrogatoria Única

Primeira.- *Modificación do texto refundido da Lei de réxime financeiro e orzamentario.*

Un.- Réxime económico-financeiro dos procedementos de liquidación dos patrimonios diferidos

Modifícase a alínea 4 do artigo 46 do texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, que queda redactado como segue :

“4.- Logo de autorización do conselleiro de Economía e Facenda poderán xestionarse como operacións extra orzamentarias aquelas nas que a actividade da Comunidade, dos seus organismos autónomos e das sociedades públicas autonómicas de carácter non mercantil se limite á realización de funcións de intermediación na súa xestión.

En todo caso, terán a consideración de operacións extra orzamentarias aquelas xeradas nos procedementos de liquidación dos patrimonios diferidos a favor da Comunidade Autónoma de Galicia como consecuencia de procesos de sucesión legal intestada. Acadada firmeza a resolución de liquidación, se procederá a imputar ó presuposto os dereitos e obrigas que correspondan á Comunidade Autónoma. “

Dous.- Fondo de Continxencia de execución orzamentaria.

Engádesse o artigo 55 bis ao texto refundido da Lei de réxime financeiro e orzamentario de Galicia, aprobado polo Decreto lexislativo 1/1999, do 7 de outubro, co seguinte contido:

“Artigo 55. bis Fondo de Continxencia de execución orzamentaria.

1. Nas seccións 50.01 e 23 do orzamento da Xunta de Galicia recollerase un fondo para atender ás necesidades que poidan xurdir no exercicio corrente e sexan inaprazables, de carácter non discrecional e non tiveran en todo ou en parte a axeitada dotación orzamentaria.
2. Este fondo dotarase por importe conxunto do dous por cento do total dos recursos propios para operacións non financeiras, e será adicado unicamente a financiar, cando proceda, as seguintes modificacións:
 - a) As ampliacións de crédito reguladas no artigo 64 e o correspondente da lei de orzamentos de cada exercicio.
 - b) Os créditos extraordinarios e suplementos de crédito que se instrumenten mediante norma de rango legal, de conformidade co previsto no artigo 62.
Os créditos extraordinarios e suplementos de crédito do servizo galego de saúde.
 - c) As incorporacións de crédito recollidas no artigo 71, agás as que se financien con

fondos que haxan de ingresarse durante o exercicio corrente.

En ningún caso poderá aplicarse o fondo a financiar modificacións que teñan por fin dar cobertura a gastos ou actuacións que deriven de decisións discrecionais da Administración e carezan de cobertura orzamentaria.

3. No expediente de aplicación do fondo a sección solicitante deberá acreditar que non conta con dispoñibilidades no seu orzamento para financiar a necesidade sobrevida
4. A aplicación do Fondo de Continxencia aprobarase, a proposta do Conselleiro de Facenda, mediante Acordo do Consello da Xunta previamente á autorización das respectivas modificacións de crédito.
5. A Xunta de Galicia remitirá ao Parlamento de Galicia, a través do Conselleiro de Facenda, un informe trimestral acerca do emprego do fondo regulado neste artigo.

Segunda.- *Modificación da Lei de subvencións de Galicia*

Modifícase o artigo 29.3 da Lei 9/2007, do 13 de xuño, de subvencións de Galicia, que queda redactado como segue:

“3. Cando o importe do gasto subvencionable supere as contías establecidas no Texto refundido da Lei de contratos do sector público, aprobado polo Real decreto lexislativo 3/2011, de 14 de novembro, para o contrato menor, o beneficiario deberá solicitar como mínimo tres ofertas de diferentes provedores, con carácter previo á contratación do compromiso para a obra, a prestación do servizo ou a entrega do ben, salvo que polas súas especiais características non exista no mercado suficiente número de entidades que as realicen, presten ou subministren, ou salvo que o gasto se realizase con anterioridade á solicitude da subvención.”

Terceira.- *Afectación do canon de saneamento creado pola Lei 8/1993, do 23 de xuño, da Administración hidráulica de Galicia*

Os ingresos derivados do canon de saneamento creado pola Lei 8/1993, do 23 de xuño, da Administración Hidráulica de Galicia aplicados na execución orzamentaria do exercicio 2012 e seguintes quedarán afectados ao desenvolvemento dos programas de gasto indicados no artigo 44 da Lei 9/2010, de 4 de novembro, de augas de Galicia no relativo ao canon da auga.

Cuarta.- *Canon eólico e o Fondo de Compensación Ambiental*

Un.- Modifícase o artigo 17 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación

Ambiental, que queda redactado como segue:

“Artigo 17º.- Presentación de declaracións e autoliquidacións.

1. Para os efectos de aplicación do canon eólico, os suxeitos pasivos están obrigados a declarar inicialmente os datos, características e circunstancias necesarias para a cuantificación do tributo, así como as modificacións dos datos previamente declarados, nos prazos e lugar e mediante os modelos e consonte coas instrucións que estableza a consellaría competente en materia de facenda mediante orde. Así mesmo, estarán obrigados a presentar unha declaración de baixa, no suposto de desmantelamento do parque eólico.
2. A administración establecerá un rexistro obrigatorio de parques eólicos, dos aerogeneradores neles existentes e das características destes. A estrutura, contido e sede do rexistro así como os procedementos para a súa formación e o seu mantemento, determinaranse mediante orde da consellaría competente en materia de facenda.
3. Os suxeitos pasivos están obrigados a presentar autoliquidación do canon eólico, determinando a débeda tributaria correspondente e ingresarán o seu importe na forma, prazos e lugar e mediante os modelos e consonte coas instrucións que estableza a consellaría competente en materia de facenda mediante orde.”

Dous.- Modifícase o artigo 18 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactado como segue:

“Artigo 18.-Liquidacións provisionais.

Os órganos da Administración tributaria poderán ditar a liquidación provisional que proceda de conformidade co disposto na Lei xeral tributaria.”

Tres.- Modifícase o artigo 19 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactado como segue:

“Artigo 19.-Utilización de tecnoloxías informáticas e telemáticas.

A consellaría competente en materia de facenda poderá dispoñer que as declaracións e autoliquidacións do canon se efectúen mediante os programas informáticos de axuda que, de ser o caso, se aproben.

Así mesmo, poderá dispoñer a obrigatoriedade da súa presentación e o pagamento mediante medios telemáticos.”

Catro.- Modifícase o artigo 20 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactado como segue:

“Artigo 20.-Aplicación do canon eólico.

1. A consellaría competente en materia de facenda aprobará as normas de aplicación

do tributo.

2. O exercicio das funcións de aplicación e de revisión do canon, así como o exercicio da potestade sancionadora en materia tributaria, corresponderalles aos órganos competentes da administración tributaria da consellaría competente en materia de facenda, segundo a norma de organización da administración tributaria.
3. Sen prexuízo do establecido no apartado anterior, os órganos administrativos competentes nas materias de medio ambiente, enerxía e industria auxiliarán aos órganos de aplicación deste tributo e colaborarán con eles, no marco das súas respectivas competencias, para a liquidación, comprobación e investigación do tributo, mediante, entre outras actuacións, a elaboración de informes por petición deles, a expedición de certificados oficiais dos datos necesarios para a liquidación do tributo e/ou a cesión informática dos datos sinalados.”

Cinco.- Modifícase o apartado 1 do artigo 21 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactado como segue:

“1. A potestade sancionadora en materia tributaria exercerase conforme aos seus principios reguladores en materia administrativa e coas especialidades previstas na Lei xeral tributaria, e serán aplicables as disposicións xerais contidas nela.”

Seis.- Modifícase os apartados 2 e 3 do artigo 25 da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactado como segue:

“2. Unha vez aplicado o disposto na alínea anterior, destinarase como mínimo o 50% da contía dispoñible do fondo ás entidades cuxo termo municipal se atope dentro da poligonal de delimitación dun parque eólico ou resulten afectadas polas correspondentes instalacións de conexión para a realización de:

- a) Actuacións orientadas á conservación da biodiversidade, ao coñecemento e á utilización recreativa e didáctica dos recursos naturais e á recuperación do medio natural degradado ou contaminado.
- b) Actuacións de impulso da eficiencia e de utilización sustentable das enerxías renovables.
- c) Outras actuacións de protección do medio ambiente e do espazo natural.

3. Os custos elixibles, para efectos de distribución do fondo, son os seguintes:

- d) Investimentos en inmovilizado: custo de man de obra externa, execución material, equipos e instalacións. Cando no investimento participe directamente persoal da entidade local procederase a imputación dos gastos correspondentes ao persoal utilizado.
- e) Custos de proxecto e dirección de obra, si se tratase de contratacións externas.
- f) Custos de funcionamento dos servizos municipais dedicado á protección do medio ambiente e do espazo natural. No caso de utilizar persoal da entidade local

procederese a imputación dos gastos correspondentes ao persoal utilizado

Sete.- Modifícase a disposición derradeira primeira da Lei 8/2009, do 22 de decembro, pola que se regula o aproveitamento eólico en Galicia e se crean o canon eólico e o Fondo de Compensación Ambiental, que queda redactada como segue:

“Disposición Derradeira Primeira.- Habilitación normativa.

A Xunta de Galicia ditará cantas disposicións sexan necesarias para o desenvolvemento regulamentario desta lei. Autorízase a consellaría competente en materia de facenda para aprobar as disposicións que sexan precisas para a aplicación do canon eólico.”

Quinta.- *Desenvolvemento da lei.*

Facúltase a Xunta de Galicia para ditar as disposicións necesarias para o desenvolvemento e a execución de canto se prevé nesta lei.

Sexta.- *Vixencia.*

As disposicións desta lei terán vixencia exclusiva para o ano 2013 agás os artigos 65, 66, 67, 69, 70,71, 72, 73 e 74 e as disposicións derradeiras primeira, segunda, terceira e cuarta que terán vixencia permanente.

Sétima.- *Entrada en vigor.*

Esta lei entrará en vigor o día seguinte da súa publicación no Diario Oficial de Galicia.

